



Aningaasanut Nunanullu Allanut Naalakkersuisoq

Aningaasaqarnermut Ataatsimiititaliap suliaq 01.31.06/07-00266 pillugu ulloq 15. august 2007-imi aalajangiinera pillugu Naalakkersuisunut ilisimatitsineq.
(Naalakkersuisut siulittaasuata ulloq 12. juli 2007-imi aalajangiinerani imm. 1)

Kollegianik sanaartornissamut aningaasanik atugassanngortitsinissaq

Naalakkersuisut **inassutigaa**,

- kontomi pingaarnermi 80.00.00-imi, Sanaartornermut sillimmatinut immikkoortitigaanngitsunut tunngasumi, aningaasaliissutit 2007-imi **8.650.000** kr.-inik ikilineqassasut
- kontomi pingaarnermi 84.40.15-imi, Ilinniartut inaannik sanaartornermut tunngasumi, aningaasaliissutit 2007-imi **15.096.000** kr.-inik amerlineqassasut, taakkulu ima agguataarneqassasut; suliassaq nr. 020.52.028-imut, Qaqortumi ilinniartut inaannut tunngasumut, 9.946.000 kr.-it, suliassaq nr. 160.52.034-imut, Upernavimmi ilinniartunut inissianut 26-inut tunngasumut, 3.000.000 kr.-it aamma suliassaq nr. 180.52.036-imut, Tasiilami ilinniartunut inissianut 26-inut tunngasumut, 2.150.000 kr.-it
- kontomi pingaarnermi 87.72.13-imi, Immikkut ittumik iluarsaassinermut tunngasumi, aningaasaliissutit 2007-imi **6.446.000** kr.-inik ikilineqassasut, taakkulu ima agguataarneqassasut; suliassaq nr. 020.97.086-imut, Qaqortumi B-165-imi iluarsaassinermut tunngasumut, -946.000 kr.-it aamma suliassaq nr. 996.97.148-imut, Sumiiffinni assigiinngitsuni 2007-imi iluarsaassinermut tunngasumut, aningaasaliissutit -5.500.000 kr.-it.
- kontomi pingaarnermi 80.00.00-imi, Sanaartornermut sillimmatinut immikkoortitigaanngitsunut tunngasumi, aningaasaliissutit 2008-mi **27,95** mio. kr.-inik ikilineqassasut
- kontomi pingaarnermi 84.40.15-imi, Ilinniartut inaannik sanaartornermut tunngasumi, aningaasaliissutit 2008-mi **27,95** mio. kr.-inik amerlineqassasut, taakkulu ima agguataarneqassasut; suliassaq nr. 020.52.028-imut, Qaqortumi ilinniartut inaannut tunngasumut, 6,5 mio. kr.-it, suliassaq nr. 160.52.034-imut, Upernavimmi ilinniartunut inissianut 26-inut tunngasumut, 10,0 mio. kr.-it aamma suliassaq nr. 180.52.036-imut, Tasiilami ilinniartunut inissianut 26-inut tunngasumut, 11,45 mio. kr.-it.

Aningaasaqarnermut Ataatsimiititaliap oqaaseqaatai

Aningaasaqarnermut Ataatsimiititaliap ulloq 24. januar 2007-imi aalajangiineratigut 07-225-ikkut Qaqortumi ilinniartunut inissiassat aammalu Upernavimmi Tasiilamilu ilinniartunut inissiassat pilersaarusionerqarnissaannut aningaasanik atugassiissuteqartoqarpoq. Maannalu missingersuut B naammassineqarsimalerpoq, taamaalillunilu sanaartorneq aallartinneqarsinnaanngorluni, tamannalu iluarisimaarlugu ataatsimiititaliap

akuersissutigisinnaavaa. Sanaartornermut Iluarsaanermullu Aningaasaateqarfimmi aningaasat naapertuutinngitsumik amerliartuinnaqqunagit aningaasat qinnutigineqartut 2007-imi atorneqarsinnaanissaat angumerineqarsinnaasoq aningaasaliissuteqarnissamik qinnuteqaammik saqqummiussinnginnermi Naalackersuisut qulakkeersimassagaat ataatsimiititaliamit tungavissaatinneqarpoq.

2008-imi aningaasanut inatsisissatut siunnersuutip aappasaaneerseqarnissaanut allannguutissatut siunnersuuteqarnikkut suliaassanut aningaasanik amerlanerusunik 2008-mi atugassiissutiginninnissaq Naalackersuisut isumaliutigigaat qinnuteqaammi takuneqarsinnaavoq. Tassunga atatillugu aningaasanut inatsisissatut siunnersuutip siullermeerseqarnissaanut qaammat ataaseq sulii sinneqarmat ataatsimiititaliamit eqqaasitsissutigineqassaaq! Taamaattumillu atugassanngortitsinissaq kissaatigineqartoq aningaasanut inatsisissatut siunnersuummut *naqqiuteqarnikkut* Naalackersuisut ilannguttariaqarpaat. Naqqiut taamaattoq naluneqanngitsutut siullermeerinissaq tikillugu saqqummiunneqarsinnaavoq.

Aningaasaqarnermut Ataatsimiititaliap aalajangiinera

Naalackersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua